



Broj: 02-11-2207-10/25
Fojnica: 19.12.2025.godine

Na osnovu člana 64. stav 1. tačka b. i člana 70. stav (1), (2) i (3) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15) a u vezi sa preporukom Komisije za provođenje postupka javne nabavke, Općinski načelnik donosi:

ODLUKU o izboru trećerangiranog ponuđača

Član 1.

1. Odluka o izboru drugorangiranog ponuđača broj: 02-11-2207-8/25 od 10.12.2025.godine, stavlja se van snage, jer je izabrani drugorangirani ponuđač „TOVARISTE“ doo Fojnica, propustio dostaviti dokaze o kvalificiranosti u skladu sa TD i Zakonom o javnim nabavkama, u roku koji je odredio Ugovorni organ.
2. Za najpovoljnijeg ponuđača za javnu nabavku radova „Uređenje i čišćenje korita rijeke Željeznice u mjestima pogođenim prirodnim nesrećom uzrokovanih poplavama u oktobru 2024. godine (dionica od naselja Trošnjik – MZ Bakovići)“, dodjeljuje se trećerangiranom ponuđaču „ŠPD „Srednjobosanske šume“/ŠGD „Šume središnje Bosne“ doo Donji Vakuf sa ponuđenom cijenom u iznosu od 48.000,00 KM, bez uračunatog PDV-a.
3. Izabrani trećerangirani ponuđač je dužan dostaviti dokaze o kvalificiranosti u roku od 5 (pet) dana od dana zaprimanja ove Odluke i obrazac za cijenu ponude sa umanjnjem nakon provedene e-aukcije.
4. Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa Zakonom o javnim nabavkama

O b r a z l o ž e n j e

Postupak javne nabavke radova „Uređenje i čišćenje korita rijeke Željeznice u mjestima pogođenim prirodnim nesrećom uzrokovanih poplavama u oktobru 2024. godine (dionica od naselja Trošnjik – MZ Bakovići)“, proveden je putem Konkurentskog zahtjeva na osnovu Odluke o pokretanju postupka javne nabavke, broj: 02-11-2207/25 od 03.11.2025. godine, sa namjerom provođenja e-aukcije. Obavještenje o predmetnoj nabavci objavljeno je na portalu javnih nabavki i u sistemu E-nabavke, pod brojem: 546-7-3-55-3-49/25 od 04.11.2025. godine.

Komisija za provođenje postupaka javne nabavke općine Fojnica imenovana rješenjem Općinskog načelnika broj: 02-30-223/25 od 29.01.2015. godine je u skladu sa tenderskom dokumentacijom blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojim je utvrđeno slijedeće:

Iz Zapisnika sa otvaranja ponuda vidljivo je da su do 18.11.2025. godine pristigle ponude slijedećih ponuđača:

R.B.	Naziv i sjedište ponuđača	Ponudena cijena bez PDV-a
1	TOVARIŠTE doo Fojnica	65.000,00 KM
2	ŠPD „Srednjobosanske šume“ doo Donji Vakuf	64.998,72 KM
3	T.W.I. doo Kiseljak	64.944,00 KM

Iz Zapisnika o pregledu i ocjeni ponuda vidljivo je da su ponude ponuđača TOVARIŠTE doo Fojnica, ŠPD „Srednjobosanske šume“ doo Donji Vakuf i T.W.I. doo Kiseljak, prihvatljive jer ispunjavaju kvalifikacione uslove zahtijevane u tenderskoj dokumentaciji.

Ponude ponuđača TOVARIŠTE doo Fojnica, ŠPD „Srednjobosanske šume“ doo Donji Vakuf i T.W.I. doo Kiseljak su unesene u sistem e-nabavki i zakazana je e-aukcija, koja je održana 21.11.2025.godine sa početkom u 14:00 sati.

U zaprimljenom Izvještaju o toku i završetku e-aukcije vidljivo je da je ponuđač T.W.I. doo Kiseljak ponudio najnižu cijenu koja iznosi 14.400 KM (slovima: četrnaesthiljadačetiristotine 00/100 konvertibilnih maraka) bez PDV-a.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

R.B.	Naziv i sjedište ponuđača	Ponudena cijena bez PDV-a	Procentualno umanjeње cijene nakon e-aukcije
1	T.W.I. doo Kiseljak	14.400,00 KM	77,83 %
2	TOVARIŠTE doo Fojnica	14.500,00 KM	77,69 %
3	ŠPD „Srednjobosanske šume“ doo Donji Vakuf	48.000,00 KM	26,15 %

Komisija za javne nabavke je predložila Općinskom načelniku da donese Odluku o izboru najpovoljnijeg ponuđača, čija ponuda je ocijenjena kao najpovoljnija, na osnovu kriterija „najniža cijena“ u iznosu od 14.400,00 KM bez PDV-a, te da se ponuđaču T.W.I. doo Kiseljak dodijeli ugovor.

Općinski načelnik je prihvatio prijedlog Komisije i donesena je Odluka o izboru najpovoljnijeg ponuđača T.W.I. doo Kiseljak s obzirom da je kriterij za dodjelu Ugovora „najniža cijena tehnički zadovoljavajuće ponude“ i da je ponuda prvorangiranog ponuđača u okviru procijenjene vrijednosti predmetne nabavke. U članu 2. Odluke o izboru najpovoljnijeg ponuđača izabrani ponuđač se obavezuje da u roku od 5 (pet) dana od dana zaprimanja Odluke dostavi originale ili ovjerene kopije dokaza o kvalificiranosti i obrazac za cijenu ponude sa umanjenim cijenama nakon provedene nakon e-aukcije.

Izabrani ponuđač T.W.I. doo Kiseljak u navedenom roku, nije dostavio traženu dokumentaciju. Komisija za javne nabavke je predložila Općinskom načelniku da stavi van snage Odluku o izboru najpovoljnijeg ponuđača broj: 02-11-2207-5/25 od 01.12.2025. godine, te postupajući u skladu sa članom 72. stav (3) tačka a) Zakona o javnim nabavkama donese Odluku o izboru drugorangiranog ponuđača TOVARIŠTE doo Fojnica.

Na osnovu sa naprijed navedenog, a u skladu sa članom 72. stav (3) tačka a) Zakona o javnim nabavkama i donesena je odluka o izboru drugorangiranog ponuđača TOVARIŠTE doo Fojnica.

Drugorangirani ponuđač TOVARIŠTE doo Fojnica, je pozvan da u ostavljenom roku od 5 (pet) dana dostavi dokeze o kvalificiranosti i obrazac za cijenu sa umanjnjem nakon provedene e-aukcije.

Drugorangirani ponuđač TOVARIŠTE doo Fojnica nije dostavio traženu dokumentaciju u propisanom roku, već je nakon isteka roka dostavio izjašnjenje u kojem je naveo da ne pristaje na zaključenje ugovora, te je iznio navode o navodnim nezakonitostima u postupku.

Ugovorni organ je konstatovao da: drugorangirani ponuđač nije ispunio obavezu dostavljanja dokumentacije iz člana 45. Zakona o javnim nabavkama BiH u propisanom roku, izjašnjenje dostavljeno nakon isteka roka ne može zamijeniti zakonom propisane dokaze, niti proizvodi pravno dejstvo u smislu nastavka postupka dodjele ugovora, ponuđač je svojim postupanjem jasno iskazao neprihvatanje zaključenja ugovora, čime se smatra da je odustao od dodjele ugovora.

U skladu sa principima zakonitosti, efikasnosti i ekonomičnosti, te uvažavajući činjenicu da ugovor sa drugorangiranim ponuđačem nije moguće zaključiti, ugovorni organ je postupio po utvrđenoj rang-listi i pristupio razmatranju sljedeće prihvatljive ponude.

Komisija za javne nabavke je predložila Općinskom načelniku da stavi van snage Odluku o izboru drugorangiranog ponuđača broj: 02-11-2207-8/25 od 10.12.2025. godine, te postupajući u skladu sa članom 72. stav (3) tačka a) Zakona o javnim nabavkama donese Odluku o izboru trećerangiranog ponuđača, „ŠPD „Srednjobosanske šume“/ŠGD „Šume središnje Bosne doo Donji Vakuf.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu naprijed navedenog, ugovorni organ je, u skladu sa Zakonom o javnim nabavkama BiH i tenderskom dokumentacijom, donio odluku o dodjeli ugovora trećerangiranom ponuđaču ŠPD/ŠGD d.o.o. Donji Vakuf.

POUKA O PRAVNOM LIJEKU

Protiv ove Odluke dozvoljena je žalba Uredu za razmatranje žalbi BiH putem Ugovornog organa u pisanoj formi najkasnije u roku od 5 (pet) dana od dana prijema ove Odluke.

Naknada za žalbu je propisana članom 108 Zakona o javnim nabavkama BiH. Žalba se podnosi u dovoljnom broju primjeraka koji ne može biti manji od tri.

Dostavljeno:

1. „TWI“ d.o.o. Kiseljak
2. „TOVARIŠTE doo Fojnica
3. ŠPD „Srednjobosanske šume“
doo Donji Vakuf
4. Evidencija
5. a/a


OPĆINSKI NAČELNIK
Sabahudin Klisura, dipl. ing.